



Broj: 01-415-2/16  
Datum: 24.10.2016. god.

Na osnovu člana 108. stav (2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05“), člana 21. stav (3) tačka c) i stav (5) tačka f) u vezi sa članom 6. stav (2) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 100. stav 3. Zakona o javnim nabavkama („Službeni glasnik Bosne i Hercegovine“, broj: 39/14), te u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14), u predmetu „Nabavke službenih vozila za potrebe Ministarstva unutrašnjih poslova Kantona Sarajevo“, odlučujući po žalbi AC QUATTRO doo Sarajevo i prigovoru AUTOHIT doo Sarajevo, Ministar unutrašnjih poslova Kantona Sarajevo, donosi:

### **O D L U K U**

Poništava se postupak javne nabavke pokrenut na osnovu odluke, broj 01-415/16, od 03.10.2016. godine i obavještenja o nabavci, broj 1364-1-1-97-3-99/16 od 08.10.2016. godine a u vezi sa Planom javnih nabavki Ministarstva unutrašnjih poslova Kantona Sarajevo, broj 01-64/16, od 18.02.2016. godine, odnosno izmjenama plana, broj 01-418/16, od 06.10.2016. godine, u predmetu „Nabavke službenih vozila za potrebe Ministarstva unutrašnjih poslova Kantona Sarajevo“

### **Obrazloženje**

Dana 18.10.2016. godine ovom Ministarstvu dostavljena je žalba AC QUATTRO doo Sarajevo ( u daljem tekstu žalilac) broj: 183/2016 na Obavještenje o nabavci: 1364-1-1-97-3-99/16 od 08.10.2016. i tendersku dokumentaciju ev. broj: 01-415/16, zbog bitnih povreda ZJN BiH zbog kojih je povrijeđena pravična i otvorena konkurencija, ističući da je Obavještenje o nabavci nezakonito, tenderska dokumentacija a posebno tehnička specifikacija sačinjena na način da onemogućava kvalitetno i ravnopravno dostavljanje ponuda, narušavajući osnovne principe jednakog tretmana, transparentnosti kao i pravične i otvorene konkurencije u suprotno sa članom 3. 53. i 54. Zakona, Lot 1; 2; i 3. te predlažu da ugovorni organ donese odluku o poništavanju postupka. Uz žalbu prilažu i dokaze.

Dostavljen je i prigovor na prethodno navedeno Obavještenje izjavljen od Autohit doo Sarajevo zbog kako je u istom navedeno kratkog roka za pripremu i predaju ponuda, rezervisanog ugovora te favorizovanja jednog brenda.



Komisija za javne nabavke dana 19.10.2016. godine, razmatrajući žalbu izjavljenu od AC QUATTRO doo Sarajevo koja je blagovremena, dopuštena, uložena od ovlaštene osobe, cijeneći svaki žalbeni navod pojedinačno te u njihovoj međusobnoj povezanosti i priložene dokaze utvrdila da je ista osnovana. Izvršen je uvid i u gore navedeni prigovor, te je zaključeno da iako isti sadrži formalne nedostatke, kao i da je podnesen bez dokaza, uvažen je kao žalba te je cijeneći sve navode utvrđeno da je osnovan samo u dijelu koji se odnosi na rezervisani ugovor, a što je tehnička greška ugovornog organa.

Cijeneći sve prethodno navedeno kao i preispitujući cjelokupan postupak utvrđene su određene povrede postupka te je primjenom člana 100. stav 3. Zakona o javnim nabavkama („Službeni glasnik Bosne i Hercegovine“, broj: 39/14), te u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj:103/14) donesena odluka kao u dispozitivu.

#### **Pouka o pravnom lijeku**

Protiv ove odluke može se izjaviti žalba Uredu za žalbe BiH u roku od pet dana od dana zaprimanja odluke a predaje se putem ovog organa u skladu sa članom 100. stav 4. Zakona o javnim nabavkama BiH.

#### **DOSTAVITI:**

1. Sektor za podršku
2. Odjeljenje za odnose s javnošću, radi objave na ~~veb stranici ugovornog organa~~
3. Komisiji
4. Svi učesnici u postupku
5. a/a

